



天
倭漢三才圖會

13
195
3



會同
印政

消印
圖書

和漢二才圖會卷第二目錄

天文

二十八宿度分方位

昏曉夜中星之圖

室むら女にょ箕き房ぼう角かく

壁へき虛きょ斗と心しん亢かう

奎けい危き牛う尾び氏し

消印
圖書

婁 畢 井 星 軫

以上二十八舍

胃 觜 鬼 張

鼎 參 柳 翼

河漢南北圖

河鼓

天河 織女

天文

和漢三才圖會卷第二

攝陽 城盤法橋寺島良安 尚順 編

天文


二十八宿

東	七宿	三十二星	南	七宿	六十四星
西	七宿	五十一星	北	七宿	三十五星


以上百八十二星

△按天圓形而二十八宿布列於天緯故人訝所以配四方
 造渾天儀諸星圖範其器北高南低者乃常也更
 試以北極為上以南極為下豎之而令北辰五星向星
 宿方則南方備而二十八宿逆行東西南北之象具焉
 釋氏稱之須彌山以北極紫微宮為帝釋天也矣

圖之位方分度宿八十二



圖之星中夜曉昏




上昏之中星
中夜半中星
下曉之中星

星圖卷之三

求昏曉夜半之中星法

元祿冬至日纏黃道箕宿二度以為法而半天百八十二度六十二分半則下參宿八度六十七分是冬至夜半之中星也一時運行三十度令四十三分七則下井宿二十入度是丑時中星也歷九十一度三十一分下翼十六度五十三分則是曉卯時中星也退九十一度三十一分下室十五度八十一分則昏酉時中星也又周天三百六十五度四分度之一除二十四氣則得十五度二十二分弱從冬至夜半參宿八度六十七分算十五度二十二分則下井宿十二度七十八分是小寒夜半中星也余准之

二十八宿



角 十二度七十分

周天三百六十五度之內角宿所主如此

角二星東方第一之宿南北正直主造化萬物布君之威信謂之天關黃道經其中七曜所行也明則太平芒動則國不寧角距南星去北極九十七度半平道二星黑而有角間為天子八達之衢明正則吉東星去極

天田二星黑有角之上主天子畿內封疆金守之主兵火守之主旱水守之主潦距西星去極八十二度半天門二星黑有角之南主天之門為朝聘待客之所明則四方歸化不見則兵起距西星去極一百四十六度進賢一星有平道西太微宮東明則賢者在位暗則在野

周鼎三星在攝提西國之神器也不見或移徙則運祚不
 寧距東北星去極六十四度半入角宿七度半
 庫樓十星其六大星為庫南四星為樓在角南天庫兵車
 之府也旁十五星三三而聚者柱也中央四小星衡也
 主陳兵其占曰庫中星不見兵四合無星則下臣謀上
 明而動搖則兵出四方盡不見則國無君距西北星去極百三十三度入軫十
 南門二星在庫樓南天之外門也主守兵明則遠方入貢
 暗則夷狄叛客星守之主兵至距西星去極百三十三度入軫十一度



九

九度四十二分

亢四星恰似彎弓狀日月中道主天下之禮法總攝天下


奏事聽訟理獄又主疾疫星明則四海歸化臣納忠人無
 疾疫移動則多病不見則旱澇作矣距南第二星去極九
 十六度

攝提六星直斗柄之南主建時節伺機祥攝提為盾以來
 擁帝座也主九卿明大二公忒橫客星入之聖人受制
 一曰大臣之象也其右距北大星去極六十七度入亢七度其左距南星去極七十七度半

大角一星在攝提間天主坐也又為天子梁棟金守之則
 兵起去極六十六度入亢九度半
 折威七黑星在亢南主斬殺金火守之夷狄犯邊將有棄

市者距西第三大星去極百三十三度入九三度
 頓頰二星在折威東南主考囚察情偽也距東南去極百十六度半入九四度

陽門二星在庫樓東北主邊塞險阻之地客星出陽門夷
 狄犯邊境距西星去極百十三度入角十度



氏 十六度十五分

氏四星狀似斗側量米為五星日月中道為天子之路寢
 明則大臣妃后奉君不失節如不見或移動則臣將謀內
 禍亂生矣一日氏為后妃之府前二星嫡也後二星妾也
 將有滿役之事氏先動也距西南星去極百四度半
 天乳一星在氏北主甘露明則潤澤甘露降去極九十二
 招搖一星在梗河北次北斗柄端主胡兵芒角變色搖動
 則兵革大起去極五十一度
 梗河三星在大角北天子備不虞其色變動有哀喪距大
 極五十九度
 帝席三星在大角西北其星不見大人逃也距東星去極
 六十七度

入氏宿
 九池六星為舟楫主迎送移徙則凶悻魃大星入九極七
 騎官七星在氏南天子騎士之象星眾則安不見兵起西
 北星去極百二十
 車騎三星在氏西騎官之士都車馬之將也金火犯為災
 距東星去極百
 天輻四星在房西主駕駕客星來守之則輦轂有憂也
 騎陳將軍一星在騎官東南主騎將也搖動則騎將出





房 五度四十一分

下名天廐
 下名天駟
 又名天馬

房四星直下為明堂天子布政之官亦四輔也南二星為
 君位北二星為大人位中間為天衢也天關黃道南間日

陽環陽道其南曰太陽北間曰陰間陰道其北曰太陰凡
 七曜由平天衢則天下平和由陽道則主早喪由陰道則
 主水兵又曰房星主車駕南星曰左驂次曰左服次曰右
 服次曰右驂又主開閉為蓄藏之所由也凡房星明則王
 者明也驂星大則兵起日月食主昏亂權臣橫彗孛犯之
 兵起下二星五星犯之為水上二星五星犯之為旱距南
 第二星去極百十四度半
 鈞鈴二小星有房北傍房鈴王者孝則明也鈞鈴近房天
 下同心遠則天下不和去極百九度半
 鍵閉星斜向房上天之管籥主閉藏去極百八度
 東咸西咸各四星在房之北日月五星之道也為房之戶
 所以防淫佚也明則吉暗則凶日月五星犯守之有陰
 謀火守之兵起距西南星去極百
 罰三星在東咸正西而南北立主受金贖罪正而列則法
 令太平曲而斜則刑罰不中距南星去極百八


日一星在房之西氏之東太陽之精為雞三足主明德金
 火犯守之有憂去極百十四度半
 從官二星在積卒西北距西星去極百二十



心 一名大火 六度十八分
 スイン

心三星天王位也中星曰明堂為天子之正位前星為太
 子不明則太子不得位後星為庶子明則庶子繼矣心上
 為日月五星之中道中心明則化成道昌直則地動移徙
 不見國亡又曰心變黑邑夫人有憂直則王失勢動則國
 有憂離則民流客星及孛犯之天下兵荒距西前星去極
 百十四度半
 積卒十二星 在房心西南五營軍士也微而小則吉明大

控勒兵大起一星亡兵出二星亡兵半出三星亡兵出
盡他星守之兵大起近臣誅距大星去極百二十六度半入辰宿十五度



尾 十七度七分
八分

尾九星狀如鉤后妃之府後宮之場也北之一丈為天之
中道上第一星后也次三星夫人大則嬪妾旁一星曰神
宮解衣之內室尾星色欲均明大小相承則后妃無妬忌
後宮有叙多子孫星微細暗則后有憂疾踈遠則后失勢
動移則君臣不和天下亂就聚則大水也木犯之及月暈
則后妃死火犯之宮中內亂土犯吉水犯宮中有事客星
犯大臣誅日月食主饑去極百二十七度半
龜五星 在尾南漢中主占定吉凶明則君臣和不明則為

垂辰已則赤地千里火守之兵起在外守之兵罷星去極百十四度半入尾宿十度

魚一星 在尾後河中主陰事知雲雨之期也大明則陰陽
和風兩以時暗則魚多亡動搖則大水暴出火守在南

則早在北則水起去極百二十六度

天江四星 在尾之北主太陰不欲明明而動水暴出參差
則馬貴其星不具則河關道不通

傳說一星 在尾後河中主後宮女巫祀祀神靈以求子孫

明大則王者多子孫小而暗則後宮少子動搖則後宮
不安天子無嗣去極百八度半

登壇必究云傳說一名太祝神天王之內祭祀以祈子孫

今之婦人求子皆祀婆神此傳說之義也偶商之傳說與

此同名諸子家更不詳審其義則曰傳說騎箕尾而去殊
不知箕尾專主後宮之事故有傳說之佐焉

王鳴鶴云傳說商之良宰輔也其星則主宮中子孫其事不類故

先儒疑之然諸星中所謂軒轅社稷造父箕仲三良皆古人之名蓋在天為天神在人為聖矣於理有之
△按以中華古人名為星之號者無其概詳星之總論

棟


杵

箕

一名天津


九度五十八分

箕宿



箕四星狀似簸箕其二為踵二為舌踵在上舌在下廣箕亦名天津後宮妃后之位上六尺為天之中道主入風凡日月宿在箕壁翼軫者風起又主口舌主蠻夷故蠻夷將動先表箕焉大明直則五穀熟君臣安踈暗則五穀貴內外有差就聚細微天下有憂動則蠻夷有使來月暈金火犯之兵起流星犯大臣歿距西北星去極百二十一度半

杵三星在箕南主杵臼之用也縱為豐橫為饑移徙人失業不見人相食客星入杵臼天下有急變距中心大星去極百三十八度入箕糠一星在箕口前杵臼西北明則為豐暗則為饑不見人相食去極百十七度入尾宿十七度半



斗

二十二度六十八分

南斗 天廡 天機

南斗六星北方第一之宿狀似北斗五星貫中日月正道為丞相大宰之位酌量政事之宜褒進矣良稟授爵祿又主兵南二星魁天梁也中央二星天相也北二星天府建也亦為壽命之期將有天子事占於南斗星盛明君臣一心天下和平爵祿行芒角動搖天子愁兵起移從其臣逐星小暗則廢宰相及死距西第三星去極百十九度

龍十四星在南斗之南龍為水虫歸太陰有星守之白衣

會主有水也火守之旱距東大星去極百

天弁九星在建星北入河中宮之長也主列肆闖闖若市

籍之事以知市珍也星明則吉彗星犯守之糴貴兵起

距西大星去極九十九度半入斗宿初度

建星六星在斗背天期一名臨於黃道天之都關也七曜之道

為天鼓為天馬南二星天庫也中央二星市也欽鎖也

上二星旗附也建星動搖則人勞月暈蛟龍見牛馬疫

月食五星犯守大臣相譖臣謀主為關梁不通有大水

距西星去極百十度入斗宿四度

天雞二星在狗國北主候時也金火守兵大起距西星去極百十度

狗二黑星在斗魁前主吠守防姦回也不居常處為大災

距東大星去極百十度入斗宿十二度

天籥八星在斗南斗柄西主鎖籥關閉明吉暗凶距西大星去極

百十四度入尾宿十九度

農丈人一星在南斗西南老農主稼穡也其占與糠星略


同去極百二十四度半入箕宿六度半

狗國四星在建星東北主鮮甲鳥明則兵寇作金火犯守

外夷有變客星犯守之有大盜距西北星去極百二十度入斗宿十八度

天淵十星一名天海在龍東南火守之大旱水守之大水

又云主海中魚龍距中星去極百二十度入斗宿十七度



牛 牽牛 七度

牽牛六星狀似牛有兩角腹下從來欠一足在天河岸頭天之關梁日月五星之中道主犧牲上二星主道路次二星主關梁次二星主南夷中一星主牛移動則牛多殃明

大則王道昌其星曲則糴貴不明失常穀不登細則牛賤
中星移上下牛多死小星立則牛多寢月暈損積金火犯
之兵災水土犯之吉距中央大星去極百八度半
輦道五星天子遊嬉之道距西北星去極四十七度半入斗宿十一度半
漸台四星臨水之台也主漏刻律呂之事如口形距東南星去極

五十八度入入斗宿十度
按距東南字當作東北半
左旗右旗各九星在河鼓左右皆天之旗鼓也明潤則將
軍吉動搖則兵起怒則馬貴距左旗西第四大星去極


河鼓織女各在牽牛之北左右詳出于後
天桴四星在河鼓之南鼓桴也星不明漏刻失時動搖則
軍鼓用桴距大星去極九十四度

羅堰三星在牽牛東主堤塘壅蓄水潦灌漑田苗大而明
大水泛溢距北星去極九十九度入牛宿四度

天田九星在牽牛南太微東主天子畿內之田其占與角
之天田同距西北星去極百六十二度入斗宿二十二度

九坎九黑星

在天田東主溝渠所以導達泉源流瀉盈溢
明盛則有災夷狄侵邊不明則吉距大星去極百四十一度半入斗宿廿五度



女
一名須女
又名婺女
九分
十度二十

須女四星形如箕其下九尺為日月中道天之少府也主
嫁娶謂之須女須賤妾之稱婦織之畢者也主婦女之位
主布帛裁制嫁娶星明天下豐女功昌小暗則國藏虛移
動則婦女受殃產死多后妃廢日月食國憂木犯之立后
火犯之女喪金犯之災土李犯之損蠶月暈婦人災又日
水守之萬物不成火守之布帛貴人多死土守之有女喪
金守之兵起距西南星去極百四度半
天津九星在虛危北橫漠中津梁所渡明而動則兵起如

流死人如亂麻參差，不齋馬貴一星，不備關梁不通三
星，不備覆階天下，星亡水災河溢水賊稱王，去極四十二
星，去極四十二度半入斗


按箱七黑星，主蠶事，見則吉，不見凶

奚仲四星，在天津北，古車正也，金火守之，兵車必起，北星
去極三十八度入

甄瓜五星，在離珠北，主陰謀，主後宮，主果食，明則歲熟，微
則后失勢，凡果不登，客星守之，魚鹽貴，十九度入，牛宿
去極三十八度入

敗瓜五星，在甄瓜之旁，與甄瓜畧同
離珠五星，在女宿之北，須女之藏廚也，為女子之星，非其
故，後宮亂，客星犯之，後宮凶，距東北，大星去極九十
十二國，十六星，齋坎之星，在九，趙，二星，在
北，周，二星，在秦，二星，在東，南，北，代，二星，在
西，魏，一星，在東，秦，二星，在東，南，北，代，二星，在
燕，一星，在秦，二星，在東，南，北，代，二星，在

國，距趙西，星去極百二十
△按天之所覆者廣，而周旋不窮也，然華夏所占者牛女
之下，列十二國，何耶？牛女在天，則北方宿也，而屬揚州，
分野十二國，不特揚州而已，又天市垣之內，有稱華夏
諸國之名，星未，知其據，登壇必究，亦評之而不果



虛，九度十三
分太

虛二星，家宰之官也，主邑居廟堂祭祀之事，又主風雲死
喪下九尺，為天之中道，明靜則天下安，搖動則有死喪，哭
泣，日月食，兵起，流星犯之，賊亂宗廟，五星犯之，有災，距南
星去極百度半
司命二星，在虛北，主舉過行罰，滅不祥，距西星去極九十
度，入虛宿三度

司祿二星在司命北主爵祿增延年德故在六宗之祀西

星去極九十度入虛宿四度

司危二星在司祿北主驕佚距西星去極八十五度半入女宿八度

司非二星在司危北主愆過距西星去極七十九度半入女宿九度半

凡此四司皆黑星明大為災居常則平

哭二星在虛南主號哭也距西星去極百十七度半入女宿九度


泣二星在哭東主死距南星去極百四度半入危宿三度

明則國多哭泣金火守之亦然

天壘城十三星在泣南如貫索形主北夷丁零匈奴距西極百二十六度入女宿十一度

敗曰四星在虛危南知凶火他星守之饑兵起距北星去極百三十九度半入虛宿八度△核三字

離瑜三星在秦代之東而南北列離圭衣也瑜玉飾婦人之服也微則後宮儉約明大則婦人奢距西星去極百二十八度入女宿九度



危 十六度十分八分

危三星主天府天市架屋為天市廟堂其下九尺為天之

中道虛危兩星主死喪哭泣火守之天子將兵金守之飢

饑兵起火守之兵起水守之下謀上月暈日月五星犯之

有災距南星去極九十九度

人星五星在車府東南黑如人象主靜眾度柔遠能邇

名臥星主防溢不見則人有詐行詔書明則人安暗則

丙距西南星去極七十度入虛宿六度半

狝三星在人星旁主軍糧正直下則吉不相當則糧絕不

直則民飢距南星去極六十一度半入危宿三度

曰四星在人星東南主春白覆則大飢仰則大豐容星入


梓自兵起天下聚米距西南星去極六十九度半入危宿三度半
 車府七星在天津東南而東近河邊抵司非主官車之府
 金火守之兵車大動距西第一星去極五十六度半入虛宿四度半
 天鈎九星在造父西河中形如鈎主乘輦服飾法式直則
 地將動明則服飾正也

造父五星在傳舍之南河中御官也一名同馬星亡馬大
 貴明則吉距北星去極三十八度入危宿十一度
 墳墓四星在危下如墓形主喪葬之事明則多死亡距中星去

極九十六度入危宿五度半
 虛梁四星在蓋屋南主園陵寢廟金火守之入犯兵大起

天錢十星在北落西北主錢帛所聚明則府藏盈不爾虛
 耗金火守之兵盜起距東北星去極百十度入危宿三度

蓋屋二星在危南主天子所居室亦為宮室之官金火守
 之國兵起彗星尤甚也距西星去極九十度入虛宿九度



營室二星為大廟天子之宮又軍糧之府主土功事星明
 則國昌小不明則祠祀鬼神不享國多疾疫動則有土功
 兵出野距南星去極八十度半

離宮六星兩兩居之分布室壁之間天子之別宮也主隱
 藏休息之所金火守之兵起

雷電六星在室南主雷動蟄蟲明或動則震雷作距西南星去極八十七度入室宿十二度


壘壁障十二星在羽林之北橫列營室之南羽林之垣壘
 也星衆而明則安寧希而動則兵起不見則天下亂五
 星入天軍皆為兵起金火水尤甚距西大星去極百十五度入女宿十一度

羽林軍 四十五星 三三而聚散在營室之南天軍也主軍
騎又主翼王也星衆而明則安寧布而動則兵革起不
見則天下亂金火水守入兵起距大星去極百十七度
斧鉞三星一名斧鉞在入魁西北主誅夷不明則斧鉞不
用移動則兵起有星入之皆為大臣誅距北星去極百
二度

北落師門 一星在羽林之西南天之蕃落也長安北門曰
北落門以象此也主非常以候兵明大則軍安微弱則
兵起金火守之有兵災去極百二十六度
入魁九黑星在北落東南主張禽獸之官也客星入之多
盜賊兵起金火入之亦然距南星百二十九度

天細 星在北落之西南主武帳天子遊獵之所會金火
守之兵起去極百二十九度
土功吏 二星主土功之官也動搖則有修築之事距西星
十五度入 壁宿初度

驚蛇 二十二星在室之北若盤蛇之狀居於河濱謂之天
蛇星主水蟲微則國安明則不寧移南大旱移北大水
客星守之雨水為災水物不取距中入星去極四十四度
△按雷電星在室南霹靂在雷電南雲南在霹靂南皆有
室壁二宿之中蓋北方之辰故其神棲焉



壁二星下九尺為天之中道主文章天下圖書秘府也入
主土功明則圖書集道術行小人退君子進星失色大小
不同天子重武臣賤文士圖書隱親黨回邪用動則有土
功離徙就聚為田宅事日月食損賢臣五星孛犯之兵起
距南星去極八十度半

七公 兩黑星 壁下藏

霹靂 五星 在土公西南主與雷奮擊明而動吉不明凶


雲雨 四星 在霹靂南明則多雨水火守之大旱

天廐 十星 在壁之北天馬之廐今之驛亭也不見則天下

道斷 距西星去極四十九度 在天倉西門刈具也主斬芻飼牛馬明則牛馬

肥微暗則牛馬饑餓並死喪也

王良 策附路 奎宿 十七度 七十分



庫也主兵主溝瀆九尺下為天之中道西南大星曰大將

明則天下安動則兵亂客星守入之兵起金火守有水災

若帝淫佚政不平則奎有角角動則有兵不出年中或有

溝瀆之事又曰奎中星明水大出日月食五星犯之皆有

凶距西南大星去極七十二度

天淵 七星 在外屏之南天之厠也不見則人不安移徙亦

然 距西南星去極九十度 在奎南以蔽天淵也占與天淵同

外屏 七星 在奎南以蔽天淵也占與天淵同

土司空 一星 在天淵南主水上之事大而黃明天下安若

客星入之多土功天下大疫去極百十五度

軍南門 一星 在將軍西動搖則軍行不見則兵亂

閣道 六星 在王良前一星又云紫宮旗天子遊別宮之道主道

動搖則宮掖之內兵起

附路一星在閣道南傍別道也備閣道之敗復而乘之也

一曰太僕主禦風雨亦遊從之義也去極三十五度半入奎宿五度

王良五星在奎北居河中天子奉車御官也其駟星曰天

駟旁一星曰王良天駟其星動為策馬故曰王良策馬


車騎滿野又名王梁梁為天橋主禦風雨水道路其星

移主有兵又為客星守之橋不通金火守之皆為兵憂

距西星去極三十度入壁宿初度

策一星在王良之前旁取王良之御策也主天子僕御若

移在馬後是為車騎滿野



婁三星不勻近一頭其下九尺為日月中道主苑牧犧牲

供給郊祀亦為興兵聚眾動搖則聚眾星直則國不安金

火守之宮苑之內兵起日月食宮內亂亭犯兵起水犯之

吉距中星去極七十五度

左更五星在婁東主山澤林藪之事亦主仁智距西南星

六度半入婁宿四度左更右更秦爵名

右更五星在婁西主官養牧牛馬又主禮義金火守之山

澤有兵其占兩更同距東北星去極七十四度

天倉六星在婁南倉穀所藏也星黃而大歲熟距西北星

度半入奎宿十一度


天庾三星在天倉之西南積厨粟之所也距中大星去極

五度入婁宿

天大將軍十二星在婁北主武兵中央大星天之六將也

外小星吏士也其大將星搖兵起大將出小星不具兵

起距大星去極六十度半入婁宿四度



十五度五十七分

胃 一名大梁

胃三星狀似鼎，足天之厨，藏五穀之倉，又名大梁也。明則四時和平，天下晏然；不明則上下失位，又云動則有輸運，事就聚則穀貴，人流暗則曰荒。五星犯日月，食孛侵並，有災距西南星去極六十七度半。

天廩四星，一名天廩，在昴南，主積蓄黍稷，以供享祀。春秋所謂御廩也。距南星去極八十五度。

天囷十三星，在胃南，倉廩之屬，主給御糧也。明而黃則歲豐，微變常色則不吉。金火守之，即災起。距大星去極九度半。

太陵八星，在胃北，主陵墓。明而大，或中星多，則天下多死。


喪或兵起，距大星去極五十四度，入危宿。

天船九星，在時之北，居河中，津河不通，水泛溢中，四星欲其均明，即天下安，不則兵欲喪移徙，亦然。客禁出入為大水，有兵，距大星去極五十四度。

積戶一星，在太陵中，明則死人多，積廩明而大，或有傍星多，則天下多死，死喪或兵起，若不見而暗，皆吉。火守則天下多哭泣，去極五十五度。

積水一星，在天船中，主候水災，去極五十三度。

昴宿 昴宿初度



昴 二分 十度九十

和名須 八流

渡 卯七星下為日月，中道天之耳目也。主獄事，主喪，主口。七對明大則君無佞臣，天下安和；暗小則刑罰濫動，搖

則信讒殺忠良六星與大星等大水有白衣會七星黃兵
 大起動搖則大臣下獄大而盡動若跳躍者胡兵大起一
 一星不見兵之象也距西南星去極七十度

△按宿耀經云昂為六星火神者不知其提也又天文書
 云以望遠鏡窺之則昂七星而實則三十七星也

天河一黑星在胃東主女人災福去極六十六度

月一黑星在昂東亦主女人災福去極七十一度

天陰五星在畢柄西主從天子七獵之臣預陰謀也不明

則禁言漏洩距西星去極七十五度

天苑十六星在昂畢如環狀天子之苑園養禽獸之所

也主牛羊明則馬牛羊盈希則死距東北星去極百廿一度

也星盛則歲豐穰希則貨財散不見則牛暴死火守之

則火災起距西行中星百八度

卷舌六星在昂之北天讒之外主口語以知讒佞又主

則天下多妄言旁星繁則死人如丘山去極五十三度

天讒一星在卷舌中主醫其占與從官同去極六十一度


礪石四星在五車北主磨斫鋒刃明則兵起如常則吉金

火及客星守之兵動距南第一星去極六度

凡星名稱月稱天者皆在昂畢之間蓋昂畢之間為天街

黃道之所經也日精在氐房之間自司其行度而氐房昂

畢乃黃道之所經為天街不得而司之



畢
 ひろ 十六度
 ひろ 二十二度
 長柄小
 細掩免
 者名畢
 此星形
 似故名

畢八星恰似九又主七獵其大星曰天高邊將主四夷之尉也星明大則夷狄來貢天下安失色則邊兵起一星亡為兵喪動搖則兵起有讒臣離徙天下獄亂就聚法令酷又云畢主街巷陰雨天之兩師也故明而移動則霖潦及街壅塞明而定則天下安日月食邊兵木犯之有軍功陞右股第一星去極七十五度

附耳一星在畢下天高東南隅主聽得失伺術邪察不祥星盛則中國微有盜賊邊候警外國反聞兵連年合移

動則佞讒行兵大起邊尤甚入畢兵起去極七十七度天街二星在昴畢間三光之道也主伺候關糧又主國界

也街南為葦夏街北為夷狄金火守之胡夷兵起明則王道正暗則兵起距南星去極七十度

天節八星在畢南主使臣之所持也宜威德於四方明則吉暗則凶距北星去極八十度

諸王六星在五車南居天漢之中主宗社蕃屏玉室也明

則諸候奉上天下安不見宗社頽危四方兵起距西星去極七十度

天高四星在參旗西北近畢此星樹之高主遠望氣象不見則官失其守陰陽不和距東星去極七十四度

五車五星三柱九星共在畢東北五車主天子五兵其兵車舍也西北曰天庫主太白東北星曰天獄主辰星東

南星曰天倉主歲星中央星曰司空主鎮星西南星曰

日旗五星均明柱皆具即人倉廩實不具其國絕食兵且起三柱出外兵出柱入兵入柱出一月米貴三倍期

一羊出兩月米貴六倍期三年出三月米貴十倍詳如

柱不與天倉相近米穀運出千里柱倒立尤甚火守入

之天下旱金守入之兵起距大星去極四十九度天潢五星在五車中主河梁濟渡之處也不見則河梁不通距西北星去極五十一度

咸池 三星 在五車中天潢南魚圍也金火犯之有天災凡
 日五星入天潢兵起道不通天下亂易政咸池明則有
 龍墜死虎狼害人兵起距南星去極五十一度入畢宿十二度半
 天關 一星 在五車南畢西北天門日月五星所行之道也
 主邊塞事主關閉芒角有兵五星守之貴人多死移徙
 若與五車合大將軍披甲去極七十一度入參宿初一度
 參旗 九星 在參之西五車之間天旗也又名天旗明而希
 則邊寇不動不然反是又主司弓弩之張候變禦難距
 第一星去極八十度
 九房 九星 在玉井西南天子之旗也主邊軍進退金火守
 之兵亂起距南星去極百十度入畢宿十二度
 天園 十三星 在天苑之南植果菜之所也曲而釣則果菜
 熟不然則否距東北星去極百一十四度入畢宿五度



司恆



觜旗

觜

觜觿




初五分



座旗

ツイ

觜觿 三星狀如鼎足在參之右角主天之關明大則天下
 安五穀熟移動則君臣失位天下旱又云為三軍之候行
 軍之藏府也主葆旅收斂萬物明則軍儲盈將得勢動而
 明盜賊群行葆旅起動移將有逐者金火來守之國易政
 兵起災生日食臣不忠月食君害臣五星犯之災生字客
 星犯之兵起距西南星去極八十二度半
 坐旗 九星 在司恆西北主別君臣尊卑之位明則國有禮
 暗則反是距南星去極六十一度入參宿八度
 司恆 四星 曲立坐旗邊近井鉞前候天地日月星辰禽獸
 草木蛇虫之變其占與天高同距西星去極七十一度入參宿六度半



參十星上為日月五星中道總有三星皆相侵兩肩雙足
 三為心有伐三星蓋參為忠良孝子明大則臣忠子孝安
 吉移動殺忠臣又云參主斬刈主殺伐主權衡主邊城為
 九譯故不欲其動也參白獸之象其中三星橫列三將也
 東北曰左肩主左將 東南曰左足主後將軍 故黃帝占
 西北曰右肩主右將 西南曰右足主偏將軍
 參應七將中央三小星名伐者天之都尉也主胡鮮卑戎
 狄之國故不欲明七將皆明天下兵精也王道缺則芒角
 動搖邊候有急天下兵起參左足入玉井中兵大起山石
 為恠參足若突出玉井則虎狼暴害人金火來守之國易
 政兵起災生日月食田荒米貴五星犯之災甚距中星西

第一星去極九十二度半

玉井四星 在參西右下小象也 距西北星去極九十八度半

屏二星 在玉井南為屏風客星入之四足蟲大疾人亦多

死不見則國內寢疾 距南星去極百十五度半

軍井四星 在玉井東西行軍之井也 距西南星去極百五十四度

天廁四星 在天屏東即天溷也主天下病疾黃吉青赤白

皆凶不見國內寢疾 距西北星去極百十度半

天屎一星 在廁南色黃則吉他色皆凶 參宿三度半



井八星南方第一之宿橫列河中主泉水天之南門也日

積薪水位 北河 南河 關五 狼星 孤矢 老人 東井 天井

玉井四星 屏二星 軍井四星 天廁四星 天屎一星 參宿三度半

月五星貫之為中道又為天子之亭候主諸侯帝戚三公之位故明大則封候建國搖動失色則三公帝師受殃矣月宿并有風雨之應距西扇北第一星去極六十九度鉞一星附井之側主伺奢淫而斬之故不欲甚明大與井齋或搖動則天子用鉞於大臣去極六十九度南北兩河各三星分夾東井一曰天高天之闕門主關梁少入參宿八度南河曰南戌又名越南宮又名權門主火北河曰北戌又名朔門又名陰門又主水兩戌之間三光之常道也其星動搖則中國兵起

天樽二星在五諸侯南主盛饈粥以給酒食之正也明則豐暗則荒或云暗則吉距西星去極六十度入井十六度

五諸候五星在井東北近北河主刺客戒不虞治陰陽察得失亦主帝心四曰帝師二曰帝友三曰三公以為帝定議星明大潤澤則天下大治芒角則祲在中又云赤則豐暗則荒距西星去極五十六度入井宿六度半

積水一星在河北所以供酒用也不見為災又主候水災去極五十四度半入井宿十八度

積薪一星在積水東以備庖厨之用明則人主康火守之大旱去極六十五度半入井宿二十七度

水府四星在井西南水宮也占與水位同距西星去極七度半入井宿七度

水位四星在井之東主水衡主瀉溢流也如移動近北河則國沒為江河如水火及客星守犯之百川盈溢距西星去極七十三度半入井宿十八度

四瀆四星在井之南軒轅之東以江河淮濟之積精也明大則水泛溢距西南星去極八十八度入井宿二度

軍市十三星如錢狀在參東南天軍貨易之市也客星及金火守之有軍大饑距西北星去極百七度入井宿初七

野雞一星在軍市中主變恠也以芒角動搖為兵災移出則諸候兵起距西北星去極百七度入井宿初七

丈人二星在軍市西南距西星去極百二十度

子二星在丈人東距西星去極百二十度

孫二星在子之東距西星去極百二十度

丈人主壽考之臣不見則人臣不得通子與孫皆侍丈人之側相扶而居不見為災守常無咎

關立三星在南河之東主象魏天子之馭關諸候之兩觀也

也金火守之兵戰距大星去極九十五度

狼一星在井之東南關丘之下為野將主殺掠邑有常不欲變動角而變色動搖盜賊作胡兵起人相食躁則人主不靜不居其功馳騁天下居非其處則人相食邑黃

黃白而明吉黑凶赤芒角兵起金火守之亦然去極百七度半

入井宿十度


孤矢九星在狼之東南天子也以備盜賊嘗向狼孤矢動

搖不如常者多盜賊明則兵大起狼孤張害及胡天下

乖亂凡孤明而張則天下盡兵去極百十四度

入井宿十五度

老人一星在孤之南蓋南極界也秋分之且見干丙春分之夕沒于外明六則天下安寧不然則否去極百四十二度此星主人民壽筭南極入地三十六度不可得而見也故其精神出地以見乎謂之南極老人然其出地亦不甚遠故隱見不常見則為祥雖在井分不得而司之



鬼 二度十四分

一名輿鬼

輿鬼四星冊方似木櫃為日月五星之中道主死凶疾病主祠事天目也東南星主積兵 西北星主積金玉其變占之中央一星名積尸氣但見其氣而已主死喪祠祀下名主誅斬鬼星明大則殺成不明則人散動而光上賦欽重為役多星徙人愁政令急距西南星去極六十九度

半天經或問云積氣者白氣也實

耀四星在軒轅之西降耀主烽火備警急占以不明安靜

明大甚則邊亭警急搖動芒角亦然或曰明則吉暗則

凶距西北星去極六十九度

天狗七星在鬼之西南狼之北橫河中守賊也移徙則火

起金火守之人相食入井宿去極百二十度

外厨六星在柳南天子之外厨也占與天厨同極九十二

天社六星在弧之南似柳之直形明則吉隋志云共工之

子名勾龍能平水土故祀以配社其精為星距西南星

天紀一星在外厨之南主知禽獸齒歲金火守之禽獸多

死入柳宿五度半

柳八星狀曲頭垂似柳上為天之中道為朱雀之嚆天之


厨宰也主尚食和滋味又主雷雨主水功又名天相主飲

食倉庫醋之位明大則人豐酒食失色則天下不安饑饉


流於道路不過三羊必應距西第三星去極八十二度半

酒旗三星在軒轅右角之南酒官之旗也主宴享飲食距

北星去極七十七度入柳宿十四度



柳 十三度二十分



星 六度四十分

星七星形如鈎主后妃御女之位又為賢子明則王道昌
 暗則賢良不處失色凶動則后妃死又主衣裳文彩主急
 兵守盜賊如星離則易政日食兵饑婦人災水犯之人安
 火犯之旱金土水犯之俱災月暈字犯之兵起距大星去
 極九十六度

軒轅十七星 在星之北黃帝之神黃龍之體也后妃之主
 而主女職也一名東陵主雷雨之神其南大星女主也
 次北一星夫人也屏上也次北一星妃也次將其次諸
 星皆次妃之屬也女上南小星御女也左一星少民少
 后宗也右一星大民太后宗也欲其色黃小而明也

又云 雷激 雨怒 霧凝 露聚 虹霓離 陰陽交
 雷和 風亂 霜散 雲立 背商分 抱租

此等之變軒轅主之如移徙則國人流逆水火金守之
 女主惡也距大星去極七十度


內平四星 在中台南燿之北平罪之官也明則刑罪平暗
 則否距西星去極五十二度

天相三星 在酒旗之南丞相之象也距北星去極九十五度
 天櫻五星 在七星之南主農正也取乎百穀之長以為其

號明大則歲大豐不明則儉不見則人相食距大星去極一百三十度


△按軒轅有兩角而似車之軒轅故名或云軒轅者黃帝
 之別名此星神降生為黃帝之二說亦史如王良奚仲
 造父傳說亦皆附會于古人名爾然若堯舜蓋禹
 恐其可有所以也不穿鑿亦可矣蓋軒轅本天市垣之
 星而在南方正中形色如黃龍以為土德也蒼龍東方
 玄武北方白虎西方朱雀南方黃龍中央以五行神備

矣北斗五星向軒轅及星宿正中則知軒轅非尋常星也



張六星似軫在星傍主天廟明堂御史之位又主天厨飲食賞賚之事上為天之中道明大則國盛強失色宗廟不妄動則賞賚離徙則天下有逆人就衆則有兵金火守之兵起或云主貢物色細無光王者少子孫火守犯之兵起土水犯之國不寧距西第二星去極百二度半天廟十四星在張之南天子祖廟也客星守之祠官有憂其占與虛梁同距西北星去極百十三度半入柳宿十三度長垣四星在少微南主界域及胡夷火守之胡人入中國


太白入之九卿謀反距南星去極七十六度入張宿十四度少微四星在太微西而南北列主大夫之位一名亦天子副主又云主衛掖門南第一星為處士第二星為議士第三星為博士第四星為大夫明大而黃則賢士卒月五星犯守之處士女主憂宰相易距東南大星去極六十五度半入張宿十五度



翼二十一二星大難識上五下五橫着行中心六箇恰似張星更有六星在何處三三相連張毗附為天之樂府主俳倡戲樂又主夷狄遠客明大則禮樂興四夷來賓動則蠻夷使來離徙則天子卒兵失色則民流日月交食五星並

犯動則化道不行，文籍壞滅，動移則三公廢，距中心西第

二星去極百四度。東甌五星，在翼之南，蠻夷星也。金火守之，其地有兵，芒角



軫分 六十五 十八度

軫四星形似張翼相近，中央一箇名長沙，軫主將軍樂府歌謠之事。五星犯之，失位國亡。女子主政，人失業，賊當掠人禍生於百日內。若明大則天下昌，萬民康，四海歸。主化又云軫為冢宰輔臣也。主車騎，明大則車騎用，距西北星去極百三度半。左轄附軫之左傍為異姓，星明兵大起，遠軫丙去極百

宿五

右轄附軫之右為王者同姓，占同于左轄。去極百十度半。長沙一星在軫之中，主壽命也。明則人壽長，子孫盛。

軍門二星在青丘，西天子六軍之門也。主營候，豹尾滅旗。占以移其鬼為道不通。距西南星去極百十二


土司空四星在軍門南，主土功。金火犯之，天下田不得耕。女不得織，又主界域。距南星去極百二十

青丘七星在軫東南，主東方。三轄之國，占與東甌同。北星去極百二十四度。器府二星在軫南，主樂器之屬也。明則樂器調理，暗則有

者不知其槐也。蓋三轄者，朝鮮國而華夏人稱之東方。則可也。日本入稱之東方，不可也。然如甘石巫咸能知

天文者言之可有其妙矣。

以上二十八舍



天河

雲漢 銀漢 銀河 河漢 銀灣 銀浦


博物志云天河與海通浮槎木實一年狽至一處見婦人織丈夫牽牛渚頭飲之此人問何處丈夫曰可謂蜀嚴君平問之君平曰某年月客星犯牛斗正是此人到天河時也
正法念經云帝釋與脩羅戰時帝釋所乘馬吐氣其氣連天云是天河也

楊泉物理論云漢水精也氣發而升精華浮上宛轉隨流名曰天河


天經或問云以望遠鏡窺之天河實是小星之隱而不見者然微而甚多攢聚一帶蓋因天躰通明映徹受諸星之光并合為一真白練焉

△按天河詩小雅維天有漢監亦有光是也蓋淡白色而如遠望川河故雖稱河而非水非氣而本此天四象之一物體謂之四象太陽為日太陰為月少陽為星少陰為辰辰則此天河而斜絡天緯微星多所以係于此者也矣天河去兩極凡三十度斜纏天緯常隨天宛轉不止如冬至黃昏則北傍見東西夜半則乾巽斜黎明則平于地面故不見也月甚照則光所掩難見然每無有形象之異可知非精氣也
古言少陰為辰辰者無也
博物志之言虛也正法念經之說妄也物理論之辨憶見也或問之論是而亦未詳審故以愚按評異說耳

河漢南極星見界



河漢北極星見界



登檀必究云天漢起自東方箕尾間乃分為南北道南經
 傳說入魚淵開蓋戴弁鳴河鼓北經龜宿貫其邊次絡斗
 魁胃左旗又合南道天津滑二道相合又南行分夾甄凡
 絡人星杵畔造父騰蛇精王良附路閣道平登此大陵泛
 天船直到卷古又南征五車駕向北河南東井水位入吾
 驂水位過了東南游經次南河向關丘天狗天紀與天稷
 七星南畔天河沒

△按南極星不見分畧之不載也所謂七星者二十
八舍之內星宿也



河鼓

ハニヤ
たみん

黃姑 三武
天關

ホウクウ

赤名比古星
又云以奴加
比星

河鼓三星在牽牛宿之北天河之東南天鼓也主軍鼓及
 鈇鉞主天子三將軍故名三武中央大星為大將軍左星

為左將軍右星為右將軍左星者南星也所以備關梁設
 險阻而拒難也明大光潤則吉動搖差度亂兵起直則將
 有功曲則將失律距中星去極八十三度大

去星のりぬりて留乃本や天の川は

たみん 収陰


織女

チツニイ


和名太奈
八太豆女

織女三星在天河北天紀東端天女也主果蔬絲綿寶玉
 也王者至孝神祇咸喜則織女星俱明天下和平大星怒
 角布帛貴又曰三星俱明女功善暗而微天下女功廢不
 見兵起其大星去極五十二度半入斗宿五度
 廣博物志云織女一名收陰七月初昏正向東

古と 天の川を渡る織女は七夕の夜に



△按河鼓織女在牛宿之度分世俗所崇敬之星故贅出
于此蓋倭名抄以河鼓為牽牛為彗星彗者男子之類
對織女附會之號而已牽牛者本牛星之異名也此星
以有牽牛之度分終為其名者謬也加之據牽牛之訓
河鼓引牛在清頭之說可笑



織女

天鼓

古以曲限辨夫辨中星去蘇八十三度大
河鼓引牛在清頭之說可笑

